

同安縣志卷之六

學校

道德一治化隆由乎學校之興也我

朝加意學宮士之沐德教者莫不奮興其閒同為

朱子過化之區理學勲猷後先輝映豈獨盛科

第工文章已哉生其後者宜爭自濯磨庶德業

聞望與鄉前輩並垂不朽云志學校

儒學在縣治東南隅舊在登龍坊五代末邑令陳洪

濟建宋建隆二年邑令林滂遷於縣治西北祥符

同安縣志

卷之六

學校

九年邑令張師顏遷於縣治東南熙寧初邑令林

濱作新廟學聚圖書以供探討宣和閒復遷登龍

坊舊址紹興十年邑士陳彥先等遷建今所左學

右廟二十三年主簿朱熹建經史閣於大成

殿後教思堂於明倫堂左又建志道據德依仁游

藝四齋旋併為正心誠意二齋設講座集官書貯

之闕射圃於城隅隙地

宋朱熹講座銘紹興二十三年新安朱熹仲晦為吏

於同安而領學事越明年五月新作講座以臨諸

生顧其所以作之之意不可以不銘銘曰師道絕

塞以圯其居今其言言亦莫我敢都前聖後師文

不在茲如或見之有儼其思立之堂壇唯以有嚴



厥臨孔昭式詔爾瞻更四齋議學舊有四齋許同  
年去其半以省長諭具員之完故今惟兩齋而四  
門如故又皆錯亂不得其所至於命名之意亦有  
未妥蓋如彙征之名乃學優而仕之事非學者所  
宜先也揭而名之是以利祿誘人豈教學者之意  
哉今欲復四齋之舊以志道據德依仁游藝易之  
東西相次自北而南誦習之區各仍舊貫易日新  
長諭為志道長諭彙征長諭為游藝長諭其據德  
依仁兩齋請學諭直學選本位學生權充齋長或  
齋諭許隨眾升堂聽講本學更不差人以塞希覲  
之路諸職事以為如何四齋銘曰趨而挹者孰履  
而持曰飢而寒者誰食而衣故道也者不可須臾  
離子不志於道獨罔罔其何之右志道語道術則  
無往而不通談性命則疑獨而難窮惟其厚於外  
而薄於內故無地以崇之右據德舉之莫能勝行  
之莫能至雖欲依之安得而依之為人由已而由  
人乎哉雖欲違之安得而違之右依仁禮云禮云  
射御數書俯仰自得心安體舒是之謂游以游以

同安縣志

卷之六

學校

二

居嗚呼游乎非有得於內孰能如此其從容而有  
餘乎右游藝射圃記同安縣西北門射圃者監監  
稅曹侯沈所為也紹興二十五年夏縣有警令丞  
以下部吏士分城以守而曹侯與予備西北異時  
寇至常陷西北然則曹侯與予所守者盜衝也侯  
一日與予登城四望慷慨相語曰是不能守吾屬  
死無處所不可不勉則分背去行所部循勉慰飭  
諭意吏士皆感奮為用侯又曰兵家有之曲道  
險阨則劔楯利仰高臨下則弓矢便是則射者固  
嬰城之具而其為技必習之於無事之時然後緩  
急可賴而用也今蠡蟻之屯雖未能傳吾城而陳  
而吾之士固將殉我以死亡我其可以不素教而  
用之哉於是相與相城之隅得隙地斥以為射圃  
袤六十步三分其袤而廣得一焉屬其徒曰射其  
閒其後盜雖已潰去圃因不廢閒往射如初侯謂  
予是圃之設吾二人力也衆人不能見將然其以  
吾二人者為無事而勤民矣盍記其事以示後予  
曰諾哉曹侯字德廣武惠王諸孫世將習兵



詞通史事蓋慨然有志於功名者而予新嘉定開

安朱熹仲晦也時為主簿於此是為記云

邑令毛當時列號房一十二間於新建文公祠左

右迨元而廢至正間學宮寇燬十五年達魯花赤

馬哈謀沙阿修學舍大德中重建經史閣明洪武

七年知縣呂復即學西重建殿廡大成門櫺星門

正統九年僉事陳祚重修李賢祐有碑記天順五年縣丞

劉珣器重建明倫堂兩齋戟門與賢育才坊易櫺

星門以石號房解宇饌堂庖廚及祭器悉備又改

同安縣志

卷之六

學校

三

建經史閣於明倫堂後名尊經閣清源朱鑑記同安縣儒學明倫

堂肇基於唐迨宋南渡紫陽朱夫子來為簿兼學

政改創於此歷代滋久棟宇傾頽大明正統九年

皇帝勅諭天下郡邑學校壇壝凡有廢壞咸與更

新于時僉憲姑蘇陳公祚按南泉遵令惟謹遂督

邑令重加修飭繕完未數載尋廢於颶風淫雨堂

廡齋舍傾圮不可支學官賃居宅於市天順二年

春色丞丞新劉君珣器以才德兼備舉奉命來官

謁閱文廟顧瞻廢墜慨然興思曰為政首務吾豈

可以苟安容與不加意以經營耶適以公務往會

府既竣事因見海濱所市材多可為棟梁乃謀於

寅友故舊貸百金以易之舟運而返仍勸邑之殷

富好義者量出金帛以助工費遂重建明倫堂五

間東西齋各一間儒學大成門與賢育才坊咸興

廢而新之櫺星門造之以石聖賢像復增新飾

爵之類更鑄以銅竹籩木豆飾以丹漆以暨學官

廡宇諸生書室饌堂庖廚藏器之所靡不悉備董

其事廬陵王先生達司其費出義民劉世隆

於天順庚辰之冬告成於辛巳之秋適臬司



四川牟公俸按節是邦登堂課諸生見學宮新器  
宏廠大嘉珣器賢遂以公帑七千緡屬珣器鼎建  
尊經閣於堂北以貯聖賢經史國朝聖制乃全  
其美於是珣器復重牟公之舉益捐俸資鳩匠庇  
材卜日興工逾數月而傑閣巍然矣教諭彭厚訓  
導王達仰惟牟公之作興珣器之經營惠斯侈矣  
屬記於予於乎自虞夏商周以來凡建學立教皆  
所以明人倫而已所謂人倫者父子有親君臣有  
義夫婦有別長幼有序朋友有信也故堂以明倫  
名政欲師以此而為教弟子以此而為學耳人倫  
既明則為士者莫不知忠其君而不敢自私以儆  
其事為庶人者莫不知孝其親而不為不義以累  
其身則治化可成而風俗可美矣苟徒狃於陋習  
而拘之風雲月露之章以為謀利祿計豈聖朝建  
學立教本意哉然斯邑山川清淑鍾為英傑宋丞  
相蘇公頌實生於斯其始終大節昭在簡牘朱夫  
子嘗稱其偉然君子長者矧大賢過化之邦際朝  
廷作養之盛上官課廸之勤日出而振  
揚聲光繼武先哲者夫豈無其人乎  
逾年學門

同安縣志

卷之六

學校

四

戟門庖廚圯於風復修之

安福彭時記學校王政

造就於學校者居多而風俗之成亦必自學校始  
此後世名君賢臣與賢有司所以盡心焉而不敢  
忽也不務盡心乎此其何以善政治哉同安在閩  
泉南為壯邑其學自宋邑士陳彥先協謀遷建士  
風於是乎盛迨我明統理天下因舊更新者屢矣  
然葺方畢工而壞不旋踵豈非以樂就簡易而憚  
改作之難故歟天順五年劉君珣器為同安丞始  
至祇謁文廟退視學官慨其敝陋即欲興脩而力  
未能為會以公務往藩府見海賈所市多良材乃  
貸金錢買載以歸復勸邑義士捐貲佐之遂庀工  
赴役先構明倫堂次東西齋次大成門櫺星門以  
及諸生退休之舍廩庫庖湍之所靡不改為惟禮  
殿仍舊而飾像備器亦無不至已乃經營購民地  
建閣堂後貯經史暨奉累朝頒降書籍於其中適  
僉憲牟公俸按臨尤嘉其志會其工竣蓋經始於  
庚辰之冬而迄於辛巳之秋民不知勞焉逾年珣



器以事赴京學門大成戟門庖廚垣墻盡爲霖潦  
摧毀既還乃謀重加飭治于時僉憲豐城游公明  
奉璽書督學政以珣器不待經督而有爲亟加獎  
勵因規畫材用畀之於是自殿堂門廡以及垣墻  
煥然一新而規模壯觀視他學爲盛矣學訓安成  
顏真其書本末以紀成績嗟夫爲政而必崇飭乎  
學校者非徒修觀美實欲寧士心而作其怠也士  
之安居於是其可不知自勉耶夫自勉者必務進  
其學而進學者舍先聖其何法焉先聖賢遠矣當  
自近者始近莫如朱子朱子之道學卽洙泗濂洛  
相傳之正也幸其嘗簿同安兼治學事流風餘韻  
之在人與格言大訓之具於書者尙未泯學者居  
其地思其人循其言而實用其力毋惑於利欲毋  
怠於近功而安小成務體道成德於科舉詞藝之  
外則聖賢之域可造矣然後居則可以厚風俗出  
則可以輔治理豈不有光於學校無只諸君作興  
也哉學者勉之珣器世家吉之永新始以才德舉  
其職二令而能盡其心於學校如此其政之善可  
同安縣志

卷之六

學校

五

知已又當特書  
爲有司勸云

是時射圃久廢存地無幾成化六

年提學僉事游明夏始復舊地八年推官柯漢拓

大之以儒學面城嫌其蔽塞遂建亭於雉堞之上

以豁之

柯漢有  
碑記

十一年知縣張遜建觀德亭於射

圃之東衣冠亭於射圃之北建膳廚於尊經閣左

鄉賢祠於學門左又建教思堂三間參政劉觀又

助建號房十八間於堂之左右宏治十八年縣丞

張啓重建號房十五間建米廩於殿後砌泮池以

石正德閒號舍俱圯十一年知縣楊敷廣藏書於



學林俊作十五年知縣趙汝弼新明倫堂兩齋

靖元年教諭陸信脩櫺星門米廩解舍三年脩尊

經閣邵銳記同安教諭陸信來告尊經閣成及以

備矣孰起茲廢茲惟爾勤亦惟爾諸生之義義以

尸之勤以相之乃有茲閣予茲弗言厥美帝傳乃

申告之曰子知經之所以尊乎夫經也者天地之

心聖賢之精蘊皆於是乎在故經明則道明道明

則天極以立地維以張人紀以定而天下之能事

於是乎畢矣而矧可易視乎故善學者以心求之

以身體之信如神明敬如父母言行政事胥此焉

出以成厥身以用之國家天下斯謂善尊也已苟

竊其緒餘資爾口耳以掠取世寵用力滋勤則悖

道滋甚若是者吾未見其能尊也吾冀吾子慎擇

斯術用迪我良士勉而循之務納諸道則是閣九

是營始於是乎有名矣吾子識之吾子識之

同安縣志

卷之六

學校

六

年建敬一亭於廟前右十三年建 啓聖祠於廟

北二十年移敬一亭於明倫堂後二十八年通判

吳嶽脩葺頽敝劉汝楠三十年知縣彭士卓教諭

陸挺立科目題名碑林希元陸挺又與訓導王尙

賢屠材立師儒題名碑劉存德隆慶元年知縣鄧

一相葺學宮建序賓亭於觀德亭舊址萬歷二十

年主簿曾一歐重修李獻可二十八年知縣洪世

俊卽學之案山佛子岡建石塔以拱明倫堂康熙

舊志學之案山故名佛子岡形家言宜有瓦突聳

秀之觀萬歷間知縣洪世俊卽其頂建石塔五層



自明倫堂望之塔挺然踰出成於庚子四十四年  
之夏越明年許編修獬豸冠南宮也

知縣徐應秋教諭萬德鵬重修祀宮講堂肄舍并

拓大 啓聖之址而規崇之 國朝康熙元年教

諭陳輝祖募葺 文廟明倫堂二年新櫺星門十

年知縣鄧麟采教諭鄧芳昇重建 啓聖祠十九

年教諭黃允芳募建兩廡及儀門陳睿思有記二十四

年知縣徐名觀修學門三十七年教諭劉驥良訓

導陳聲遠重脩五十五年邑人總兵許盛重建明

倫堂五十七年署知縣王夢說教諭江山甫重脩

同安縣志

卷之六

學校

七

江山甫有記五十八年鄉賓顏元輔等築繚垣易土以

磚雍正九年教諭張纘緒修 大成殿廡十一

年知縣唐孝本重建尊經閣壘石爲址高出明倫

堂丈許上構三楹以安奉

御碑廣訓下三楹祀文昌乾隆二年重脩 崇聖祠二

十年知縣明新教諭何蘭復脩葺之二十六年知

縣鄒召南重脩觀瀾亭增高明倫堂大門五尺使

見佛子岡塔尖築門外墻移舊石刻青雲路三字

於其上鄒召南有記三十二年知縣吳鏞教諭羅前蔭



訓導黃梅勸募重建

大成殿增高戟門櫺星

外列照墻環以石欄及名宦鄉賢二祠

福建督學王杰記同

安學初於五代末宋紹興中始遷今所朱文公來主是邑簿又建經史閣藏書九百餘卷立教恩堂日與邑人講論正學從遊甚眾其後呂圭叔邱吉甫輩皆接其薪傳同之人材奮發六百餘載於茲矣

矣 國朝定鼎以來

多士生於大儒涖官之地而又沐

聖朝

詩書禮樂之化宜乎有以成就其德行而奮起其

功名也然自朱子迄今流風已邈廟學圯壞攷之邑志修葺者屢要皆仍其舊制規模未拓陰陽弗

叶今且棟桷朽蝕垣序黜黜無以肅士子之觀瞻於是邑侯吳君鏞慨然與教諭羅前蔭訓導黃梅

及邑紳士黃濤等鳩金重脩之始造 大成殿翼以兩廡題榮棗桷瓦墁礮甍之屬煥然一新其

同安縣志

卷之六

學校

八

戟門櫺星高深各增尺度外則列屏墻掖以石欄旁及名宦鄉賢之祠並皆遷建稱大觀焉事竣請記於余余自奉 命視學以來念閩為理學名邦四年中夙夜祗慎惟恐言不足為多士則况同

又朱子所嘗教化之邑其敢漫以為記哉夫學校為訓士之區而廟宇尤崇 聖之所誠規模宜拓

陰陽宜叶而觀瞻不可以不肅也為士者觀聖人之像則必言聖人之言行聖人之行讀書以窮理

寡過以脩身庶不失為聖人之徒匪但絺章繪句斐綦戕冠工其詞而飾其貌遂詡詡然自異於眾

也今同之高士軒朱子遺記猶存往蹟可考多士曷不因廟貌之新而使朱子之流風餘韻俱振而

新乎使其果能以忠信為基址以廉隅為垣墉以言行為坊表率循義路出入禮門造於正大高明

之域由此成其德行建其功名卓然為一代成材庶無負

聖

天子作人之澤與良有司振興之意而文公正學之

盛亦將復見於今日豈止於科第聯翩學校光榮



同安文學之盛有自來也廟學屢圮屢葺國朝定鼎以來脩理者數矣乾隆三十二年以棟桷漸就朽蝕紳士黃濤等鳩金重建大成殿及兩廡增高戟門櫺星門外樹屏牆環以石闌名宦鄉賢二祠並遷建焉余館師韓城相國為之記自戊子歲葺工以來迄今又幾三十年矣棟宇為蟻蝕勢將傾圮教諭連楚望訓導何澤杞與邑中紳士謀新之生員高有繼踴躍捐資為諸紳士倡於是咸助成厥功經始於嘉慶元年丙辰仲冬竣事於丁巳季夏之閏月適予按試泉郡紳士以記為請予嘗謂學者日誦聖人之言而不知身體力行是猶緇黃者流日誦員夾琅函纍纍如貫珠及叩以何解則茫無以應也瞻仰夫子廟堂輒自幸得

門而入而弗能志聖人之志行聖人之行猶愚夫愚婦偶至琳宮紺宇禮拜金身似亦有所警惕者既退則仍懵然也夫使者不嘗敬述

聖訓為諸生勸乎茲為諸生申釋之使者之來也

聖訓命之日政以整飭士習為要總須教諸生以脩

身大之道如斯而已大學曰壹是皆以脩身為本中庸列九經之目首日脩身論語曰脩己以敬又曰正其身矣於從政乎何有皆言脩身也孟子所謂守約而施博者亦惟脩身諸生惟當服膺聖訓須臾弗離處則為言行相顧之善士達則為有猷有為有守之賢臣庶幾能由是路出入是門不愧生理學名區而無負

天子作人之厚澤也使者願與多士共勉之是役主其事者郡司馬高以彰與其役者廣西興安令劉瀚舉人劉光鼎童浚德樂事勸捐者貢生高有器林麟生員葉紫花楊宗潮杜鴻猷黃天榜吳聯科柯金華蘇昌期監生童浚明周萬頃晝夜在工所督理梓人始終其事者童生高聯飛例得附書

三年戊午高以彰又命其子高有繼倡脩明倫堂

王增鏞記嘉慶三年季春予視邑篆道經佛嶺見城中堂宇巍然方與土木之役問之曰明倫堂也

同安縣

卷之六

學校

九

同安縣



越日恭謁

大成殿

先師廟步至明倫堂左為朱子祠奎星樓右為崇聖祠煥然重新司鐸吳君拱極告予曰是皆邑紳士高以彰等所倡興也高君為人樂善不倦且又興建輪山書院改造朝元城門清疏銅魚古蹟刊刻縣志凡邑中諸大役靡不欣然為已任或獨力出貲或倡首樂措義聲著於四方去冬督憲魁公按臨聞其尚義責以銀緡區額而斯堂之脩微高君之力不及此予聞之大加獎勵既成請記於予予思夫治化之成風俗之美端在乎明人倫堂以明倫名欲使父子君臣夫婦長幼朋友各盡其道孟子曰人倫明於上小民親於下高君之謀新斯堂亦欲其化成於上俗美於下固匪徒壯華麗侈觀瞻已也 四年五月水災 廟墻傾圮高以彰復脩築之

生員額數

同安縣志

卷之六

學校

十

廩膳生員二十名增廣生員二十名附學生員不限額歲科兩試每次取進二十名歲試取進武生一十五名

廩膳銀

廩膳生員二十名全年支廩銀五十六兩每名計二兩八錢由學宮牒本縣支領散給廩生缺計日勾數扣解廩生膳夫二十名全年共銀十三兩三錢三分三釐每名計六錢六分六釐同廩銀並支缺出扣解亦如之



學基

舊志載學地直三十六丈六尺橫六十六丈六尺東至官街西至許學魯地南至王崇獄地北至大街其東初以直墻爲界萬歷三十一年修理察院衙改入數尺又修理文公祠及名宦鄉賢祠以其隙地蓋店舍三間門斗賃住按今學旁地除祠宇外皆爲民居侵占店舍三間俱廢

學租

明洪武初前代學田皆廢隆慶元年知縣鄧一相復

同安縣志

卷之六

學校

十一

清南門橋稅七十八兩五錢五分三釐原議以半人學食土除抵解外僅得三十兩一錢

王佐萬歷

二十八年郡守竇子傅議於本縣奇江莊官田租五百二十五畝每年追租銀解府充府學公費外二百六十二畝五分發同安學爲修理賑卹之資後議將奇江莊田年徵租銀九十八兩四錢零入學三十二年議減每畝銀一錢三十八年議每畝再減銀五分五釐每年正徵銀五十七兩七錢五分支給貧生又議將陳穀易銀五十六兩買兌山



田種一石四斗年徵租粟二十石鄉內抽粟折銀  
二錢三分貼納糧差出萬歷志今久廢無考二十九年

知縣洪世俊議將吳陂莊廢寺溢額田三十九畝

五分年徵租銀四十九兩四錢五釐內撥納糧五

兩四錢二分五釐餘入學充脩理費蔡復一迨後有記

廢失無考乾隆六年知縣唐孝本於仁德里港頭

鄉清出歸入雙溪書院詳見後書院三十八年知縣李

春開捐俸二十三兩置買石門塘金田租年徵租

穀二十三石今廢 國朝康熙三十五年總督姚

同安縣志 卷之六 學校 十三

啓聖發銀六十兩督糧廳姜立廣發銀一十兩教

諭黃允芳捐銀四兩六錢七分共買康榕保東埭

仔崎仔下等處田受種一石五斗七升年徵租穀

一十五石七斗向以為貧士膏火之需戶名姚興

儒年納正供銀四錢六分三釐秋米三升五合六

龠又邑人江闕初捐充田坐落古嶼保古莊洋受

種七斗年徵租穀七石納正供銀三錢二分秋米

二升四合戶歸儒學完納又邑貢生蔡雲程充捐

田坐落圭東保石門新厝前等處受種一石一斗



四升年徵租穀十一石四斗內被水冲壞一斗種  
田少租一石實年徵租穀一十石四斗向以為生  
童月課之費年應正供銀並應納秋米折合共四  
錢四分由學發給本戶自納又通省勻撥學租每  
年奏銷時將上年實歷廩生並社師貧士姓名由  
學造冊申報藩司如乙年則發甲年之學租按通省勻算將坐  
派縣分勻撥數目行知到學差赴坐派縣分領回  
散給

祠宇附

其不在學地者  
載入壇廟下

同安縣志

卷之六

學校

十三

趙忠簡祠在儒學內宋紹興閒主簿朱熹建祀故丞  
相鼎後廢

蘇公祠舊在儒學教思堂後宋紹興閒主簿朱熹建  
祀故丞相魏國公頌朱子自為記元至正閒邑令孔公

俊重建明成化閒推官柯漢改建明倫堂左後知  
縣張遜以其地卑濕改復故處亦在明倫堂左尋  
廢嘉靖閒巡按蘇信推官譚鎧重建信自為記天順閒

縣丞劉珣器重修俱在文廟右 國朝康熙十年  
教諭黃允芳重建三十七年水災祠壞雍正九年



裔孫生員蘇紹祖卽舊址建復乾隆二十二年裔孫生員蘇如龍復修葺之

文公朱子祠宋嘉定閒邑令毛當時建以祀朱子熹至元而廢迨後至正十年邑令孔公俊祀於大同書院明洪武七年邑令呂復改建文公祠於廟西正統九年僉事陳祚重脩正德十五年邑令趙汝弼改建於學東卽宋毛當時所建舊址而在廟西者永廢國朝康熙元年教諭陳輝袒重修逾年爲秋霖所壞復修築之雍正十一年知縣唐孝本重脩乾隆四年

同安縣志

卷之六

學校

十四

知縣王植又修葺五十八年邑紳士高以彰童浚德楊宗潮等倡脩生員高有繼董成之

配享先儒 五人

許升王力行呂大奎邱葵

以上四人原建配享林希元明提學馮燧從

蔡獻臣之請續奉入祠配享

林次崖祠明提學王世懋題祀學宮提學馮燧題配

朱子萬歷甲寅特祀 文廟右 國朝康熙庚午

提學高日聰脩祠塑像戊寅水圯主暫祀鄉賢祠

朱令奇珍生祠在蘇公祠右已廢今改建名宦祠



名宦鄉賢祠明成化十一年知縣張遜始建鄉賢祠於文廟之左嘉靖二十八年署縣事吳嶽改建於教思堂後並祀名宦鄉賢萬歷三十二年知縣王世德重修分名宦鄉賢前後堂列之尋廢國朝康熙十年知縣鄧麟采教諭鄧芳昇重建又廢康熙三十二年邑人總兵許盛捐貲重建旋傾圮移祀於文公祠後合鄉賢名宦為一堂乾隆二年知縣唐孝本改祀名宦鄉賢於學宮右即教諭原寄居之序賓亭地仍分名宦鄉賢而前後堂列之

同安縣志

卷之六

學校

十五

歲久傾圮三十二年知縣吳鏞教諭羅前蔭訓導黃梅聽董事葉廷梅陳邁倫郭瑛劉世德林應龍陳祖武陳光章等議就拆卸文廟舊料重建二祠於蘇公祠右計費白金三百有奇

歷祀名宦

共三十人

宋知縣黃琮毛當時縣丞石訖主簿朱熹方士端縣尉蕭里元達魯花赤馬哈謀沙縣尹孔公俊明知縣時執亮呂復王琬劉性同朱徽張遜張級龍越邵旭郭山王仲王曾如海徐待泉州府同知署知縣胡文宗縣丞何文瑄劉珣器教諭李文郁陸佶訓導章文王仁



明督學僉事游明熊汲 國朝閩浙總督范承謨  
福建巡撫李斯義布政使金培生 附

按以上五人皆當日奉文通祀之官各邑有之  
非同安本邑名宦也且其績亦不獨在同舊志  
將游朋熊汲混入本邑官師志殊覺界限未清  
今已刪定而於此亦另附其名以表邑中設祠  
之義

歷祀鄉賢

共七十六位  
又附二位

宋制置發運使陳綱尚書蘇紳太常少卿宋宜知

同安縣志

卷之六

學校

六

州贈奉國軍節度使蘇緘太子太保司空魏國公  
蘇頌大理寺丞石賡司農石旦進士許權同知樞  
密院事中書侍郎劉達太府少卿林棐知州黃萬  
頃知府曾秘通判許衍布衣許衍處士柯翰許升  
王力行知縣薛舜俞通判陳洽通判吳子斌太守  
許巨川太守王南一兵部侍郎吳燧吏部侍郎崇  
政殿說書呂大奎處士邱葵教授劉志學元布衣  
孝子顏應祐明教諭陳福山知州黃廣兵部郎周  
源祭酒林啓刑部郎中黃偉寺丞林希元兵部員



外謝崑按察司副使楊逢春右都御史提督操江  
傅鎮提學劉汝楠巡海道劉存德刑部侍郎洪朝  
選知府李春芳知府王三接刑部尙書陳道基太  
常寺少卿池浴德按察使洪邦光戶部郎中李文  
簡參政葉明元按察使蔡貴易參政林一材同知  
陳榮選太僕卿黃文炳知縣蔡用明禮科都給事  
李獻可按察使王道顯布政使蔡守愚光祿寺少  
卿蔡獻臣都轉運使柯鳳翔吏部侍郎蔣孟育參  
政胡明佐五省經畧贈尙書蔡復一按察司副使

同安縣志

卷之六

學校

七

劉夢松副使林應翔編脩許獬巡撫張廷拱參政  
洪纖若吏部郎中周家椿參政材一柱府丞周爾  
發東閣大學士林鈺按察司副使張朝綱太常寺  
卿林宗載按察司副使劉夢潮大理寺卿葉成章  
知府林鳳儀戶部員外范方知縣劉廷憲 國朝  
知縣陳觀泰

唐進士謝脩寓賢陳黯附

按五代時始有同安唐時縣未設也謝脩應歸南  
安鄉賢陳黯應歸南安寓賢舊志闕入本邑人物



寓賢傳而復祀諸鄉賢皆由未能割愛以致沿悞  
至今傳已訂正茲因奉祀有年未敢遽遷姑附載  
之俾後人知所區別焉

忠義孝悌祠在學宮右 國朝雍正四年奉文建內  
祀宋邕州知州蘇緘吏部侍郎呂大奎元孝子布  
衣顏應祐明德州知州陳顯戶部主事范方平陽  
府同知郭寅日英德縣尉黃岳家死難義士葉秉  
乾胡有耀孝友張宏綱孝子王肇禎孝子西安知  
縣吳德范 國朝孝子林化衷邑增生辛肇姬孝

同安縣志

卷之六

學校

六

子邑庠生黃俞叔

共十  
五人

節孝祠在學宮旁忠義孝悌祠右 國朝雍正四年

奉文建內祀明貞烈二娘吳氏貞節蔡宗德妾楊  
氏 國朝貞烈黃興妻莊氏陳陣郎未婚妻寬舍  
紀氏郭定紹妻淑範葉氏紀四郎妻五娘蔡氏節  
孝陳琦妻胡氏陳衡卿妻葉氏陳宏驥妻鄭氏陳  
家相妻胡氏葉在繪妻鄭氏蘇吉卿妻洪氏顏德  
妻鍾氏葉志道妻李氏張鑄妻蔡氏陳渤妻周氏  
蔡元桂妻蘇氏顏最觀妻李氏顏文高妻劉氏劉



運應妻林氏郭朝藩妻馬氏陳蘇來妻林氏洪賜妻楊氏共二十三人

按查崇祀烈女多有未經旌表者於例不合但為舊縣志學册及府志所有姑仍之

書院社學附

文公書院在大輪山梵天寺後舊在學宮之東元至

正元年縣尹孔公俊建請額於朝賜名大同前

先聖殿後朱子祠復購租以贍士林泉生有記後燬於

寇明成化十二年知縣張遜重建於縣東門內畏

同安縣志

卷之六

學校

九

壘菴即朱子作簿寓居舊名趙瑤有記後復鞠為府館嘉靖閒邑

人林希元請於督學邵銳遷建於大輪山知縣劉

裳建瞻亭推官葉遇春建畏壘菴工未竣而罷後

邑人洪朝選又請於督學朱衡知縣彭士卓成之

林希元有記隆慶初知縣王京建仰止亭於畏壘菴後

增築書舍兩旁各七間洪朝選有記萬歷閒知縣李春

開重建李光縉有記國朝康熙二十七年知縣徐名

觀邑人陳睿思重修五十二年知縣朱奇珍鄉賓

顏孔輔復修葺之後頽敝乾隆十七年邑恩貢洪



敬璜募修副榜陳思敬貢生陳秉禮捐貲倡首而鳩工庀材自經始以迄落成惟秉禮董其事焉秉禮復即講堂之西建石亭取朱子手書寒竹風松四字額於亭院字飄頽殆盡於是明經洪君敬璜陳君思敬秉禮目擊心傷慨然以修復為己任越明年冬乃鳩金庀材相邱宅土即寢殿舊址而增高之中祀朱子左右配以鄉賢許呂二先生繚垣宏敞庖滷畢具前闢講堂亦視舊加峻別構書舍七間旁作一小亭中稍低之環以石欄數十丈觀者拾級而登憑欄一望同之名勝呈奇聳秀近而金廈二島遠而臺澎大洋靡不歷歷在目誠巨觀也五十九年八月風雨交作書院傾圮邑紳高以彰獨力興建以子生員高

同安縣志

卷之六

學校

有繼董成之

石國琛記輪山梵刹創自隋朝塑造釋迦佛像為邑內遊觀之所明次崖

林公始於佛殿上山頂建立文公朱夫子祠塑文

公神像旁塑許呂二像配之倡興儒教俾有瞻依

嗣是屢有頽毀屢有修治乾隆甲寅秋又為風雨

所壞未有倡修者高君以彰慮其壞而未有議修

之也爰捐五百餘金獨肩修治之任前時中堂脊

太高頗嫌遮蔽議減數尺合朱子神像得徧覽

邑內堂宇巍然寬宏高聳邑內山川軒豁呈露高

君之力也夫自漢唐以降二氏之教盛行所在名

勝多建老釋之宮朱子紹尼山之脈於武夷五曲

闢置精舍據閩上游勝地為百代瞻仰生於閩者

苟於學精有所得便切仰止之思心想神往如親

見其人故觀感奮興闡之理學獨冠宇內我邑輪

山自武夷而來脈益衍而氣益昌輪困離奇為閩

南勝地又為紫陽初仕過化之所次崖林公建立

此祠與武夷精舍殆相彷彿薰炙愈親觀望愈遠

安知自時厥後踵而起者仰道貌之如存恍聖居



之甚邇襲鼓軒舞亦步亦趨其德業之成人文之盛不止益昌益熾倍蓰前人迄無紀極以冠乎閩疆而冠乎天下也哉而高君之功則亦有難沒沒也夫是為記

於書院之右 教諭劉有敬記離城東北二里有大輪山焉山之上構紫陽書院以祀朱

夫子其絕頂舊有仰止亭明隆慶初邑侯王君京所建也厥後亭廢僅存遺址乾隆甲寅秋書院為

風雨傾圮乙卯春邑紳高君以彰出貲興建煥然一新余司鐸茲邑遊輪山謁朱夫子因與掌教宗

兄溪堂議興仰止亭堪輿家咸謂是亭不可高壓賢祠急宜改建溪堂及諸紳士僉是之擇地於書

院之右越數旬無有倡建者獨諸生高君有繼慨然以興復為已任遂飭材伐石閱月而亭成夫同

為朱子過化之區而此山尤朱子所常憩息者也其流風餘韻教澤未湮斯亭之建諸生登臨其上

仰前賢之遺徽企先哲之故業豈獨供遨遊憑眺已哉 國朝高宏音仰止亭懷古詩直上輪山仰

同安縣志

卷之六

學校

三

止亭風松寒竹幾年經先賢小憩曾畱詠後學追踪好勒銘但聽講堂時振鐸莫臨梵塔自忘形紫陽過化今猶在與我同人式典型

文昌書院在南門內學旁射圃地 國朝康熙四十

五年知縣陳國柱建鷺島商民繼建之以為國柱

生祠尋改為義學聚生徒肄業其中今復廢為公

館

銀同書院在學內文公祠後 國朝康熙末年移文

昌書院肄業生徒於此今併入訓導署

雙溪書院在縣治東明侍郎蔡復一故宅地 國朝



乾隆二年知縣唐孝本建中為講堂三間後進屋

樓三間樓上中祀文昌神左即以祀復一東西兩

旁各建書舍十間庖湏畢具聚生徒肄業清查港

頭鄉寺僧宏哲侵沒學田三十九畝六分即萬歷知縣洪

世後清查吳坡莊廢寺溢額田年徵租銀四十九兩四錢零除納糧外送學充用者季徵租穀八十

四石七斗應納正供銀四兩七錢四分秋米折納七錢二分立雙溪書院戶又珩頭鄉

地五畝八分九釐零年應地稅四兩五錢四分納

正供銀七錢教場下翟保官地一十三畝一分零

康榕溪邊保開元寺僧懷亮地三十一畝三分三

同安縣志 卷之六 學校 三

釐每畝年稅暫定四錢查教場官地書院現今失管溪邊地被水報荒現墾

復未俱充入書院以供束脯膏火並春秋祭祀用

頭水利館夫修葺諸費義學田地公立碑記蔡清憲築田碑記所載吳坡莊

奇江莊查明著落奇江莊具水暇及而吳坡莊係報親寺業明萬歷閒洪侯世俊清丈溢額三十九

畝五分有奇每畝季徵租穀二石五斗詳憲歸學其田號曰官洋地亦曰官地因遷荒廢失展復後

有報親寺僧奴劉棟冒僧請丈吳坡莊業並混官洋田後付其姪劉才才付其弟梵天寺僧宏哲匿

吞三十餘年唐侯始因紳衿陳煥等呈請庭訊清還遂命捕衙同紳衿往官洋清丈其東宅地若干

畝已就古佃學帖清還外丈得官洋田六十虛畝照縣志除牛路倒影盤淹及界之外下則田例以

一畝八分五釐拆一畝實與舊額相符其前築溪岸地近捐置開元寺僧懷亮地三十一畝零在康



榕溪邊保土名操兵墩下及義學宅外地稅一併  
充入碑未開列田畝除詳見碑文外載教場官地  
在下翟路一十三畝一分二釐現荒六畝七分二  
釐乾隆十七年泉州府詳文查看得同安縣僧達  
高抗告貢生黃源清等將伊寺田占充學田一案  
緣前明萬歷年間同安縣令洪世俊將報親寺吳  
坡莊寺田丈溢三十九畝五分捌釐歸于儒學迨  
本朝定鼎海氛未清田畝久荒康熙三十年展界  
清丈有梵天寺僧冒為報親寺僧將此田朦混丈  
據為寺業數十年矣乾隆三年紳衿陳煥等詳查  
縣志考驗明倫堂俱載學田條目窮究田畝著落  
遂於王妹家中獲有萬歷三十年儒學給佃陳堯  
明印帖一紙開載學田來歷又土名畝數甚詳查  
其田畝係梵天寺僧宏哲管業遂率呈縣經陞令  
唐訊斷歸入義學飭委典史丈量清界并據宏哲  
推產明白在案詎宏哲妄希翻斷令其徒僧達高  
上控蒙批府查報經前署府永春杜牧轉飭縣查  
茲據該縣查案具詳前來卑府查此項田業現有

同安縣志

卷之六

學校

三

萬歷年間印帖開載甚明其本屬學田被僧冒占  
已無疑義唐令審斷之後糧已推清更無所累於  
僧應如縣議永歸儒學管業以資膏火達高已故  
免議合將印帖詳候察核批示遵行奉巡撫都察  
院王批如乾隆十八年知縣明新屬邑紳莊仰旻  
詳飭遵繳

於樓後空地續建書舍五間恐遊軒不時憩息院  
中以為生徒退避之所五十一年眾紳士買陳怡  
常仁得里白石鄉東埭田地受種十三石季徵租  
穀一百四十八石配糧銀五錢三分價銀一千二  
百八十大員又買郭仁柏李榛等山兜保大學村  
田種二斗季徵租穀二石八斗配米五升六合價



銀五十四兩嘉慶三年買劉經仲同禾里康澤埭田種九斗五升季徵租穀十石五斗七升配米十一升三合價銀七十五兩三錢每季收穀俱為生徒膏火之資按書院生徒從前膏火無幾乾隆三十六年始捐銀設立膏火迨五十年會議買田所收利息每月酌給生徒膏火及歷年納糧脩埭各項雜費若有贏餘再置產業仍充膏火項內立法至善後來紳士不得紛更山長亦不得混收此項租穀致亂章程

航山書院在縣東民安里 國朝乾隆十一年知縣

張荃屬里中紳士建於通利廟後院中有傑閣以

祀文昌神其閣下奉朱子像士子會文其閒

教諭何蘭

同安縣志

卷之六

學校

二十六

有記

鳳山書院在縣西安仁里鳳山 國朝乾隆十一年

知縣張荃善堪輿以其地吉倡議興建紳士為捐

輸時董其事者邑紳王三錫陳連榜數月工竣前

後二層後祀文昌諸神及朱子前為會文之處右

復築書舍三閒有登第及入泮者例得題名

教諭何蘭

訓導黎學安俱有記

華圃書院在縣西積善里文圃山山故為唐謝脩洪

文用宋石菴讀書處後南宋楊志構三賢堂以祀



之 國朝乾隆二十七年邑紳黃濤倡建書院創  
紫陽祠以祀朱子卽三賢堂舊址爲栖賢樓仍以  
祀謝洪石三君子池亭垣舍悉備巡道譚尙忠倡  
里中紳士建講堂三間於過澗寺前作石橋以渡  
詳爲官學於廈門玉屏書院生息銀兩內撥給四  
十八兩爲延師脩脯費聚生徒肄業維時同里李  
擎輝黃錫時各捐金助之事見本傳栖柵潘振承  
素稱樂善好施捐番銀一千員以爲興建膏火之  
資三十一年增脩紫陽祠一切土木經營及山逕

同安縣志

卷之六

學校

三

崎嶇三里有餘修築平坦悉潘振元董理其役振  
承又自構湛園別墅笏拜軒觀海寮景會樓彩虹  
橋連雲亭諸景以增書院之勝邑士大夫及四方  
知名士樂爲登覽於其際蓋華圃之成振承振元  
之功實居多云

黃濤作書院記載藝文節錄觀察譚尙忠華圃書院講堂碑記乾隆二十七年夏余下車之初卽詢學校興廢及古名賢勝蹟將以次修舉而同年黃君文川以建華圃書院告華圃在同安縣西八十里爲唐謝脩兄弟讀書處後唐洪文用宋石蕢繼居之宋楊志始建三賢堂以祀之朱子蓋嘗遊焉時余方興玉屏書院而黃君興華圃旣十月而成余親往以落之其地跨山臨海復有軒亭樓閣池澗巖崖諸勝是時鄉人士咸集予旣瞻顧徘徊作而語之日諸君子



知夫海乎百川同歸不讓細流以其善下也注焉而不滿酌焉而不竭以其能容也朝烟夕霏萬里一碧及其激而為朝文夕霏而為青黃結而為樓閣能成其大且深為學之道基之以善下益之以能容而成之以善變故孟子以遊聖人之門取喻於觀海若夫波濤浩瀚氣象雄渾足以盪才士之胸移文人之筆者此直海之餘事不足為學者道都人士皆拱立以聽有閒黃君謂余曰書院規模畧具矣顧未建講堂又無膏火費將安出而山隈度澗又缺兩橋敢以請余乃斥玉屏之羨歲得金三斤以其四之三資膏火而以一募守者鄉人士乃雲集響應各出其貲以為講堂因以餘力為橋焉爰為之序

紫陽書院在廈門朝天宮後康熙年閒同知范廷謨所創久漸廢弛雍正二年同知馮鹽拓建之前祀

同安縣志

卷之六

學校

五

朱子後為生徒肄業地嗣是李暉胡宗文涖任皆整理焉左邊學舍已歸於注生祠矣乾隆十六年建玉屏書院紫陽肄業遂廢僅存堂宇以祀朱子三十年同知楊愚將神祠諸屋清出仍歸書院為諸生肄業所掌教蔡士捷復募紳士等捐金修葺之

衡文書院去紫陽二百餘步雍正年閒同知李暉建造延師講學今改為文昌祠

玉屏書院在廈城東北隅有石峰屹立如削晶瑩可



愛明舊有義學海氛時鞠爲茂草康熙年間將軍  
吳英始建文昌殿集德堂又別建小堂一間祀柳  
仙時降乩詩名曰賣詩店後兵部郎中雅奇權稅  
海關構萃文亭復買漳之恆泥鄉水田若干畝歲  
收稻穀若干石爲士子會文之資兼作香燈之費  
乾隆年間觀察白瀛與署提帥倪鴻範紳士黃日  
紀林翼池劉承業廖飛鵬共謀重興勸捐得金二  
千有奇於文昌殿右邊再建講堂一座旁爲齋廡  
十有三間曰三台閣曰必自軒曰仿胡齋於是規

模較前更爲恢廓告竣羨三百餘金因寄舖生息  
歲得息銀七十餘兩以供掌教之費觀察譚尙忠  
復勸紳士黃日紀等捐助三千餘金交廈門司馬  
生息每年計息銀七百餘兩以備肄業膏火黃日  
紀因肄業人多隘不能容乃購院邊民屋若干間  
增建崇德堂漱芳齋以廣學舍又購院後民屋數  
間賃民居住收租銀以補朔望香燈之費至春秋  
二祭則費出恆泥租息焉節錄觀察白瀛玉屏書  
院碑記同安自紫陽朱  
子主邑簿建高士軒畏壘菴倡道興學聞風踵起  
者代有傳人如林次崖以理學名洪芳洲以文章



著蔡元履以經濟稱其他彪炳史冊者未易罄述  
廈門於同一都會也連山環海涵天浴日之區衣  
冠湊焉勝國隸中左所舊一義學立於玉屏山麓  
是山也迤邐城東嶺然聳出遠矚滄溟則列島浮  
空金門浯嶼壯學海之波瀾凭眺郊陬則橫峯拱  
翠金榜魁星標文山之爽秀昔時人文傑出地靈  
殆有助焉自海氛熾鞠為茂草矣我國家底定  
海宇文教誕敷前威畧將軍吳公沿其舊始建文  
昌殿闕部郎中雅公復構朱子亭增置旁舍為書  
生課義所彬彬濟濟稱盛一時倪總戎封君任中  
協時嘗捐俸經理居無何絳堂漸虛生徒落落黨  
辛術序竟作梵宇琳宮思與都人士共相切劘仰  
副盛世棧樸作人盛典適總戎隨庵倪公由南澳  
移節斯土欲繼先志重興之而縉紳鄉先生黃君  
日紀林君翼池劉君承業廖君飛鵬與諸生慨然  
起而任其事爰馳檄有司清堂宇母滋僧鳩居其  
中復斥地而廣之左為文昌殿右為講堂堂之後  
巨石竝立如削玉屏之所由名也上為集德堂新

同安縣志

卷之六

學校

三

朱子之像而祀焉東偏為仙真祠宇增而新之西  
架萃文亭中植魁星碑巍然高踞俯視一切由亭  
而下迴廊齋廡用舍師徒庖湏庫無不備具門  
庭爽塏位置錯落木石礮琢塲堊丹漆之工既堅  
且緻始事于乾隆辛未十月以癸酉十一月訖工  
糜白鏹千八百兩有奇余同都督全庵李公總戎  
隨庵倪公前司馬澹庵許公今司馬松山四公捐  
俸首倡餘則紳士及慕義之家所樂輸而成也職  
其事者孝廉姚文山倪邦良貢生黃秀琦黃名芳  
辜義越陳文榜監生陳邦彥張錫麟林豐春往來  
襄理則石濤巡檢陳自芳與有勞焉  
例得並書至捐貲姓名別總諸石

正音書院

國朝雍正七年開奉文設立在儒學內

文公祠後旋廢

鼇江書院在安仁里高浦鄉即朱文公祠康熙四十



二年鄭羽颺請於官以明洪武時江夏侯周德興所築高浦所營署地而建之後為風雨損壞乾隆癸酉鄭紹仁倡募重建增其廊廡規模大於昔日其祀產漸為人侵削邑令鄒召南履其地而清復焉陳思敬重建書院記文武之用隨時異宜者也而畸輕畸重遂以徵氣運之隆替蓋設險詰兵行於有事之日太平既久則脫劍講學化壁壘為庠序雍雍乎追風三代勢固然也鶴浦為同邑名區宋二石先生實產茲土朱子主同安簿經過化焉明洪武時江夏侯周德興城三千戶所於同而鶴浦與金門中左並為奮武衛之所嘉靖中定遠侯戚公繼光視師駐此於城之鹵偏創書院以興學自是人文蔚起亞於金門中左而介卿范君方以鄉解抗節殉國其尤著者也康熙四十二年大

同安縣志

卷之六

學校

三

中丞儀封張公伯行撫閩令鄉各立社學貢生鄭君羽颺等請於官以所署建朱文公祠舍地設塾教場及諸廢地開墾為文公香火資免其徵糧於時邑侯漢陽陳君國柱經始之封司馬王君良司其役制未宏也乾隆癸酉夏太學生鄭君紹仁倡任重建徵諸樂助乃參用前人瓦木易其坐向增三門及兩廡越四月落成仍戚公院名志不忘也於是堂廡門庭煥然翼然百年墜緒一朝具舉諸生以時講習其閒今之詩書絃誦者昔之旗鼓步伍者也今之俎豆馨香者昔之于城保障者也武衛衍而文教興蓋天下化成之治久矣凡費白金三百八十六兩有奇其助金及前此訟官究地有功於祠者諸生鄭君光祚既書諸屏年來祭業或有侵削邑侯鄒君召南親履其地而清復之諸生恐其久而漸湮也囑思敬記諸石并鐫祀業於碑陰予謂鄒侯能復中丞之舊以無負戚定遠侯興學之意使先賢遺跡所在流風餘思傳之永久是大有功於文治者也故樂為之書



浔洲義學在通判署西舊為縣丞署

國朝雍正己未年

縣丞盧國泰建

社學舊志內載九所曰擢賢社學在縣治北門內曰

桂林社學在縣治西北隅葫蘆山下曰福星社學

在縣治庫內巷曰藍田社學在同禾里四都曰白

礁社學在積善里十九都曰湖山社學在翔風里

十七都曰平林社學在翔風里十八都曰丹砂社

學在翔風里十九都曰劉山社學在仁德里十二

都國朝鼎革後久廢無存雍正二年奉文設立

同安縣志

卷之六

學校

社學十所

在坊社學

五峯社學

新墟社學

海尾社學

馬巷社學

灌口社學

角尾社學

劉店社學

廈門社學

金門社學



典禮

周官太宰之掌禮典居其一大宗伯掌大神人鬼地示誠以禮之重也由來久矣我

朝德威遠播創制大備因革損益咸得其宜同邑為海邦鄒魯禮教尤重凡民間冠婚喪祭仍其舊俗惟慶祝諸典以及迎春耕藉祭祀鄉飲酒之禮悉遵

會典所載奉而行之以見天下同倫四海畫一焉耳志典禮

同安縣志

卷之六

典禮

祝

萬壽

前三日張燈綵於明倫堂五鼓坐班黎明退每日如常  
誕日設牌排班作樂三跪九叩畢坐班後四日坐班亦如前

賀元旦冬至禮與

萬壽日拜牌同



將至具龍亭綵仗鼓樂出郭接使捧

詔置亭中衆官三跪九叩畢迎入至明倫堂衆官先入分班立亭至定排班作樂三跪九叩興讀

詔衆官跪讀畢置亭中衆官三跪九叩退

迎春

前一日常服迎土牛芒神至縣門外土牛南向芒神在東西向立春日設酒菓朝服排班一跪三叩興縣官奠酒三爵叩興衆官同行一跪一叩禮鼓樂迎至東郊衆官執絲仗牛擊鼓鞭牛三退

同安縣志

卷之六

典禮

二

耕藉

雍正五年令府州縣置藉田立先農壇以二月戊

日行禮每位陳設爵三加酒盞三十羊一豕一簋二

簋二邊四豆四前二日齋祭日盥洗就位瘞毛血迎

神升壇上香三復位三跪九叩獻爵三皆執事者獻

餘儀如常祭畢更蟒服印官秉耒佐二執青箱播種

畢率耆農行望闕三跪九叩禮

鄉飲酒

順治初舉行縣官主席教官司正大賓以致仕官餘



皆有齒德者每年正月望十月朔行禮賓僎至皆出

西三揖三讓升交兩拜坐眾皆至就位司正升自西

階至堂中北向皆起揖司正揚解而語語畢飲揖皆

揖復位讀律生讀律令皆起揖讀畢復位供饌主至

賓僎前獻爵拜答拜酬爵禮同介以下以次遣酌飲

供湯三起撤饌交兩拜

以次降相揖讓如前出

三僎 二僎 一僎 司正揚解語 恭惟 朝廷率由舊

章敦崇禮教舉行鄉飲非為飲食

凡我長幼各相勸勉為臣盡忠為

子盡孝長幼有序兄友弟恭內睦

宗族外和鄉里無或廢墜以忝所

同安縣志 卷之六 典禮 三

生 祀

文廟

明嘉靖九年詔稱 至聖先師孔子四配曰復聖顏

子宗聖曾子述聖子思子亞聖孟子十哲及兩廡從

祀稱先賢某子先儒某子今仍其號順治初令天下

文廟丁祭行禮與國子監同康熙元年頒中和樂於

直省 文廟五十一年升朱子於十哲五十四年增

祀范仲淹雍正元年頒祭祀禮器樂器於天下二年



復明代改祀者林放蘧瑗秦冉顏何鄭康成范甯六人增祀縣直牧皮樂正子公都子萬章公孫丑諸葛亮尹焞魏了翁黃幹陳淳何基王柏趙復金履祥許謙陳澔羅欽順蔡清陸隴其共二十人乾隆三年進有子於十哲之次復祀吳澄於廡

大成殿崇祀位次暨禮樂陳設圖

同安縣志

卷之六

典禮

四

前二日齋戒辦祭官省牲作祝安 神庫案一跪一

叩前一日主祭以下朝服上香視宰牲瘞毛血 祭

日衆官入分班立主祭盥洗樂舞生執事者就位主

祭以下就位迎 神舉迎 神樂 奏咸平 三跪九叩

樂止奠帛行初獻禮舉初獻樂 奏寧平 主祭官升詣

正位前跪叩興獻帛獻爵畢跪叩興 贊 退詣讀祝位

跪樂止 讀祝生至祝案跪三叩舉讀畢 樂作主祭以

下三叩興以次詣四配各位前獻儀如初十哲及兩

廡分獻官儀亦如之畢復位樂止正位配位亞獻舉



亞獻樂

奏安平之章

終獻舉終獻樂

奏景平之章

儀皆如初畢

樂止飲福受胙主祭升至位跪受畢叩與復位謝主

祭以下三跪九叩與徹饌舉徹饌樂

奏咸平之章

徹訖樂

止送神舉送

神樂

奏咸平之章

主祭以下三跪九叩與

樂止瘞祝帛饌

執事生至各位三叩捧起唯捧饌不叩

望燎舉望燎樂

咸平後闕

詣望燎位畢退

祝文

維某年歲次某月某朔越某日某省某府某縣某官

致祭于 至聖先師孔子曰維 先師德隆于聖道

同安縣志

卷之六

典禮

五

冠百王揭日月以常行自生民所未有屬 文教昌

明之會正禮和樂節之時辟雍鐘鼓咸恪薦于馨香

泮水膠庠益致嚴乎邊豆茲當

春秋

仲祗率彝章肅展

微忱聿將祀典以 復聖顏子 宗聖曾子 述聖

子思子 亞聖孟子配尚饗

樂舞

乾隆九年頒

迎 神奏咸平之曲

有樂無舞

大哉孔子先覺先知與天地參萬世之師解微麟

紉絨韻答金絲日月既揭乾坤清時



初獻奏寧平之曲

有樂有舞

予懷明德玉振金聲生民未有展也大成阻豆千

古春秋上丁清酒既載其香始升

亞獻奏安平之曲

有樂有舞

式禮莫愆升堂再獻響協鼓鏞誠孚罍獻肅肅雍

雍譽髦斯彥禮陶樂淑相觀而善

終獻奏景平之曲

有樂有舞

自古在昔先民有作皮弁祭菜於論思樂惟天牖

民惟聖時若彝倫攸敘至今木鐸

同安縣志

卷之六

典禮

六

徹饌奏咸平之曲

樂作無舞

先師有言祭則受福四海黌宮疇敢不肅禮成樂

徹母疏母瀆樂所自生中原有菽

送神奏咸平之曲

樂作無舞

鳧繹戔戔洙泗洋洋景行行止流澤無疆聿昭祀

事祀事孔明化我蒸民育我膠庠

東班領樂二人歌工一名樂工十四名

麾一祝一應鼓一金鐘十六琴二瑟一笙二簫一

笛一塤一篪一排簫一搏拊一



西班牙領樂二人歌工一名樂工十四名

王磬十六琴二瑟一笙二簫一笛一埙一篴一排

簫一搏拊一敔一

舞用文舞六佾 節一羽籥如人數

祀

崇聖祠

明嘉靖九年命各學建啓聖祠以顏無繇曾點孔鯉  
孟孫氏配程珦朱松蔡元定從祀萬歷間增周輔成  
從祀雍正元年追封 孔子五代王爵改啓聖祠爲

同安縣志

卷之六

典禮

七

崇聖添設神牌祭器二年增張迪從祀將祀 文廟  
正殿先赴崇聖祠行禮凡俎豆牲犧陳設之品俱與  
中殿四配同其配位與十二哲同從祀與兩廡同去  
豕首皆不用樂舞主祭陪祭等官一切儀注同於中  
殿惟少謝福三跪九叩禮

昌聖王伯夏

裕聖王祈父

肇聖王榆父

詒聖王防叔

啓聖王柳夫

顏氏無繇  
曾氏點

孔氏鯉  
孟孫氏

周輔成  
元定

程珦  
朱松



祝文

維某年歲次某月某朔越某日某府某縣某官某等

致祭于 肇聖王 裕聖王 詒聖王 昌聖王

啓聖王曰維 王奕葉鍾祥光開聖緒盛德之後積

久彌昌凡聲教所覃敷率循源而溯本宜肅明禮之

典用申守土之忱茲居仲春秋聿修祀事配以 先賢

顏氏 先賢曾氏 先賢孔氏 先賢孟孫氏尚饗

祀

朱子祠

同安縣志

卷之六

典禮

八

同為朱子首仕過化之地宋毛當時首建祠祀於學

宮歷代遞崇配祀五人皆同理學祀 文廟畢即赴

祠祀用帛一羊一豕一簋一簋一邊四豆四行一獻

禮迎神降神行一跪三叩禮餘如常儀

林氏

呂氏

朱氏

朱夫子

張氏

邱氏



祀

名宦祠 鄉賢祠 蘇公祠 忠孝節義祠皆祭丁

日設牲醴行禮

祀

關廟

歲凡三祭五月十三日用帛一太牢一果品五春秋

二祭如之後殿品物如崇聖祠行二跪六叩禮

祀

社稷壇

同安縣志

卷之六

典禮

九

順治初定二八月上戊祭雍正二年定稱縣社加稷

之神帛用黑色禮器儀注如先農壇

祀

風雲雷雨山川城隍

歲二祭與社稷同期每祭帛共七爵共二十一禮儀如社

稷

祀

厲壇

歲凡二祭春祭清明秋七月望冬十月朔凡祭先期



三日饗香燭酒果牒告城隍行一跪三叩禮獻爵一  
跪叩如前祭日設城隍位於壇上羊一豕一設無祖  
鬼神壇於壇下左右羊二豕二飯米三石羹酒香燭  
隨用行一跪三叩禮獻爵三跪叩如前

餘如  
常儀